



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De probatione deuotorum per contraria. III.

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

CAPVT II.

De laude Dei in paupertate devotionis.

1. **P**auper & inops laudabunt nomen tuum Domine. Quando sentis Psal. 47.
te aridum, frigidum, & tristem in orando, & meditando bo-
na de Deo, non debes propterea desperare, nec desistere Iesum
humiliter inuocare; sed in paupertate spiritus tui Deum lauda &
gratias age, & istum versiculum pro consolatione libenter lege:
Pauper & inops laudabunt nomen tuum Domine. Multi enim
sancti & deuoti fuerunt etiam quandoque aridi, & per longum
tempus à Deo derelicti: vt disserent patientiam, & alijs compati,
per doloris & inopie experientiam; & non presumerent nimis
de seipisis, in tempore deuotionis & iubilationis. Lege etiam ver-
sum istum sequentem, cum Propheta in psalmo: *Ego autem men-
dicus sum & pauper, & Dominus solitus est mei. In Domino confi-
do, quia ipse virtus & salus mea.* Verum est, nam omne bonum
à Deo.

2. Noli ergo presumere cùm latus fueris, nec te dejcere tri-
stitia grauatus; sed sicut Domino placuerit in oculis suis, sic es
contentus in omnibus. Nil enim boni habes à teipso, sed totum
est à Deo. Cùm gratia deuotionis datur, sol de cælo lucet, & ani-
ma illuminatur, & quasi in diuitijs exultat. Sed miser deciperis, si
presumis & inflaris. Cùm verò occultè subtrahitur gratia, & ab
ingrato tollitur; tunc verè pauper es & infirmus, & parum potes
sustinere, & credet orare. Sed hoc pro beneficio accipe, quod Deus
te pauperem facit & humiliat cum electis suis; & percutit dorsum
tuum filiorum virga, pro excessibus tuis occultis & negligentijs
multis quotidianis; vt tibi ipsi vilescas, & nunquam alte de te sa-
pias, sicut cōsulit sanctus Paulus ad Romanos: *Noli, inquit, altum
sapere, sed time. Magnum lucrum animæ, de se viliter sentire, &* Rom. 12.
Deo omne bonum funditus ascribere.

CAPVT III.

De probatione deuotorum per contraria.

1. **G**audete iusti in Domino. In cælo semper est gaudium, in infer-
no semper est luctus, in mundo utrumque ad tempus, ad
probandum homines bonos & malos. In æstate sunt dies clario-
res, & in hyeme obscuriores; sic est etiam cum anima deuota.
Quando gratia Dei venit, & eam illuminat; tunc multa abscon-
dita cognoscit & intelligit, cœtat & iubilat cū magna deuotione,
quā sentit. Sed in tempore iætationis, cū subtrahitur gratia deuotio-
nis: tunc est in hyeme & frigore, in obscuritate intellectus, & in
pauore

VALLIS LILIORVM.
pauore mentis. Tunc patientia est necessaria & Deo magis accepta, crescunt virtutes per aduersa, & augentur per patientiam aeterna præmia.

2. Humiliatur anima & purgatur per flagella, confunditur superbia, & euaneat vana gloria. Quamdiu vivit anima in corpore, exercetur in utroque, pro profectu ampliore in Christi amore. Magna ergo ars, magna virtus est, bene uti bonis & malis. Benedic ergo anima mea Domino in omni tempore; lauda Deum quum Sion dic ac nocte, & erit merces tua magna utrobique coram Deo in celo & in terra, & omnia seruent tibi prospera & aduersa, bona & mala, laeta & tristia. Vnde Apostolus Paulus ait: Diligentibus Deum omnia cooperantur in bonum, & nihil deerit timentibus eum. Beati, qui in omnibus sequuntur voluntatem Dei.

Rom. 8.

CAPVT IV.

De vero amatore Dei.

Psal. 30.
Sap. 6.

Psal. 105.
106.117-135

1. **D**iligite Dominum omnes sancti eius, pusilli & magni; quia pusillum & magnum ipse fecit. Verus amator Dei amat purum Deum, scilicet Deum propter Deum, & propter eum solum frumentum; & non propter lucrum ab ipso habendum; nec propter aliquod proprium commodum, nec solatium aut præmium inde promerendum; sed totaliter & finaliter propter suam infinitam bonitatem, & superexcellentem dignitatem. Ideo in laudem Dei Psalmista frequenter dicit, & repetit. *Confitemini Domino, quoniam bonus;* & hoc dicere dulce est amanti. Sed dicere, *quoniam in eternum misericordia eius,* dulcius sapit poenitenti & dolenti de peccatis suis. Ne ergo desperet homo fragilis in malis suis, additur. *Quoniam in eternum misericordia eius.*

2. Ille autem amplius placet Deo, qui profundius se humiliat, & feruentius ipsum amat. Beatus, qui se viliorem omnibus reputat; & cauet omne, quod Deo displicere cognoscit. Beatus, qui propter Deum & beneplacitum eius, totum opus suum facit ex charitate cum pura intentione; & quicquid boni cogitat, hoc ad Dei honorem & laudem & gloriam integrè refert. Beatus, qui nil sibi retinet, sed totum Deo liberè reddit, quod à Deo accepit.

CAPVT V.

De gratitudine animæ, pro omni bono.

Psal. 33.

1. **M**agnificate Dominum mecum, & exalteamus nomen eius in ipsum. Ille magnificè Deum laudat, qui de minimis etiam beneficijs gratias maximas agit; quia ille dat, qui super omnia maximus.

